

ՎԱՀԱՆ ՏԵՐՅԱՆ

(1885-1920)



*Եվ նորից կզգանք, որ մեր սրտին դու մո՞տ ես,
Մորմոքող հրի՛ պես մեր հիվանդ արյան,
Որ լուսե երգին քո մեր հոգին կարոտ է,
Օ՛, հեռու ընկեր իմ, օ՛, Վահան Տերյան...*

Եղիշե Չարենց



ԶՎԱՐՃԱԼԻ ՊԱՏՍՈՒԹՅՈՒՆ

Բանաստեղծի ավագ եղբայրը՝ հետագայում արձակագիր Ղազարոս Զավախեցին, հիշում է, որ ձմռան մի երեկո վառարանի մոտ «թմբլիկ փիսիկի պես» մեն-մենակ մոխրի հետ խաղացող ու եղունգներն անընդհատ կրծոտող Վանիկին իրենց սրամիտ մայրը «ալրոտ ջախճպան» (ջրաղացպան) է անվանում: Տնեցիներն սկսում են ծիծաղել և այդ մականունով կանչել նրան: Երեխան վիրավորվում ու լաց է լինում: Հայրը, որ այդ պահին զբաղված էր ընթերցանությամբ, իր մոտ է կանչում որդուն և նրան մխիթարելու համար զվարճալի հեքիաթ է պատմում ինչ-որ *Բոռո կայրվի* մասին: Շարունակ ծիծաղաշարժ իրավիճակներում հայտնվող կատուն երկար ժամանակ չի կարողանում մուկ որսալ. ամեն անգամ մկնիկը խույս է տալիս: Իսկ հայրն այդ պահին երեխաներին հարցնում էր՝ ո՞ւմ պես, և հետևում էր

պատասխանը՝ Ներսեսի, Արամի, Ղազարի... Հերթը Վանիկինն էր: Կատվի բախտն ի վերջո բերում է, ու նա մի «խեղձ մկնիկ է բռնում և անուշ անում»: Դյուրագգաց և տպավորվող փոքրիկի աչքերից արցունքներ են թափվում, և նա սկսում է հեծկլտալ.

«- Ինչ եղավ, բախն, ինչի՞ կուլաս, լավ հեքիաթ չէ՞ր:

- Չէ, լավ չէր... ինչի՞ կերավ մկնիկիս, բա մեղք չէ՞ր...,- լացակումած կմկմում է Վանիկը:

- Հիմար, դրա համար ես լավիս... Բա ես քեզ չեմ ասել, որ բոլոր հեքիաթները սուտ են: Հեքիաթների մեջ ինչքան դևերի ու սատանաների անուն ես լսել, բա իսկի մեկին տեսել ես...

- Չէ՛:

- Դե՛, տեսար, որ էդ բոլորը սուտ են, ձիշտ որ լիներ, կտեսնեիր: Բոռոն էլ մկնիկին խոմ իրականում չկերավ, հեքիաթի մեջ կերավ:

Վանիկն արդեն բավարարված էր ու աչքերը սրբելով՝ սկսում է ծիծաղել, ապա և սպառնալ.

- Ես որ տեսնեմ Բոռո կատվին տաշտի մեջ, պիտի զարնեմ (հարվածեմ), որ մկներին չխաբի...»:



ՇԵՍԱՔՐՔԻՐ Է ԻՍԱՆԱԼ

Առերևույթ ինքն իր նկատմամբ անփույթ և անուշադիր Վահանը, այնուամենայնիվ, օժտված էր չափազանց զգայուն խառնվածքով՝ ընդունակ անգամ ծայրահեղ բռնկումների: Այս տեսակետից ուշագրավ է ընտանիքի մյուս որդու՝ Արամի մի դիտարկումը. «Վահանն իր մանկությունն անցկացրեց նախանձելի պայմաններում: Ծնողներիս գուրգուրանքը, շրջապատի սերը, նյութական լիությունն ու առատությունը. այս բոլորը Վահանի մանկությանը բաժին ընկան: Ընտանեկան այդ խաղաղ մթնոլորտը թեև կոկում էր նրա բնավորությունը, բայց չէր կարողանում վերացնել այն անհարթությունները, որ բնածին էին: Սովորաբար մեղմ ու խաղաղ, հեզ, անխոս, հպատակվող ու լսող, ծիծաղկոտ այս մանուկը ստեպ (հաճախ) դուրս էր գալիս այդ նորմալ դրությունից և անձանաչելի դառնում. կարծեք ինչ-որ կապված հանգույց պայթում էր նրա մեջ, և այնուիետև նա դառնում էր անզսպելի, անդիմադրելի ու անմատչելի համոզումների ու խրատների: Հետո մեղմանում, մոռանում էր պոռթկումի պատճառը և դառնում նախկին հեզ, հլու և ժպտուն մանուկը:

ԻՄ ԽԱՂԱՂ ԵՐԵԿՈՆ

Իմ խաղաղ երեկոն է հիմա
Մեղմալույս և՛ տխուր, և՛ անուշ.
Քեզ երբեք սիրտըս չի մոռանա,
Իմ մաքրոր, առաջին իմ անուրջ...

Տարիներ, տարիներ կըսահեն,
Կըմեռնեն երազները բոլոր –
Քո պատկերը անեղծ կըպահեմ
Օրերում անհաստատ ու մոլոր:

Ե՛վ տանջանք, և՛ բեկում, և՛ թախիծ.
Սև օրեր ես դեռ շատ կըտեսնեմ.
Անունըդ թող փարոս լինի ինձ
Սուտ կյանքի և դառը մահու դեմ...

ԱՄՓՈՓԻԳ ՀԱՐՑԵՐ


1. Ո՞ր ժողովածուում է գետեղված բանաստեղծությունը, և ի՞նչ թեմայով է գրված այն:
2. Օրվա ո՞ր պահն է ընտրել հեղինակը իր հույզերն արտահայտելու համար. ինչո՞ւ:
3. Բանաստեղծը ինչո՞ւ է վստահ, որ սև օրեր դեռ շատ կտեսնի:
4. Բանաստեղծի համար ի՞նչն է գեղեցիկի իդեալը, որ կյանքի մթին ուղիների փարոս կդառնա:
5. Որտեղի՞ց է գալիս այս թախծի տրամադրությունը: Ինչո՞ւ:

ԱՈՍՁԱՂՐԱՆՔՆԵՐ ԵՎ ՎԱՐԺՈՒԹՅՈՒՆՆԵՐ

1. Ինչպե՞ս է հեղինակը բնութագրում իր սիրած աղջկան:
2. Կարդա՛մ «Իմ խաղաղ երեկոն է հիմա» բանաստեղծությունը և քո վերաբերմունքն արտահայտի՛ր՝ պատասխանելով քառաբաժանի հարցերին:

<p>1. Բնութագրող Բնութագրի՛ր բանաստեղծության լիրիկական հերոսին:</p>	<p>2. Ջգացումներ արտահայտող Ի՞նչ զգացումներ ունեցար բանաստեղծությունը կարդալուց հետո:</p>
<p>3. Կենսափորձ Բանաստեղծության բովանդակությունը ի՞նչ հիշեցրեց քեզ: Ի՞նչ համանման պատմություն ես ընթերցել կամ կինոնկար դիտել: Նոր վերնագի՛ր դիր յուրաքանչյուր տանը՝ բովանդակությունից ելնելով:</p>	<p>4. Իմաստավորում</p>

3. Գտի՛ր օրինաչափություններ «Տխրություն» բանաստեղծության հետ, նշի՛ր նմանությունները տարբերություններն ու ընդհանրությունները:



4. Մեկնաբանի՛ր բանաստեղծի վերիուշը տարիների հեռավորությունից՝ ներկայացնելով նրա ապրումները.
 Տարիներ, տարիներ կըսահեն,
 Կըմեռնեն երազները բոլոր —
 Քո պատկերը անեղծ կըպահեմ
 Օրերում անհաստատ ու մոլոր:
5. Գնահատի՛ր բանաստեղծի հույզերը և համեմատի՛ր քո ստացածի հետ:
6. Ցո՛ւյց տու՛ր պատկերավորման միջոցները և նրանց նշանակությունը բանաստեղծական պատկեր ստեղծելու գործում::

Հայ պոեզիայում ուրիշ ոչ մի հեղինակի ստեղծագործությունն այդքան ներծծված չէ թախիծով, տխրությամբ, մենության պատկերներով, որքան Վահան Տերյանի բանաստեղծությունները: Հաճախ, սակայն, ասում են, թե տերյանական թախիծը լուսավոր է, խաղաղ: Այս բնորոշումն էլ, իհարկե, մի փոքր բանաստեղծական է, քանի որ հարատև թախիծն ու տխրությունը մարդուն կարող են մղել ինքնամփոփության, հուսահատության: Քաղաքական ֆոնի վրա Տերյանն իր հոգեվիճակն է արտահայտել, իր տառապանքը որպես մարդ, քաղաքացի:

«Իմ խաղաղ երեկոն է հիմա» բանաստեղծությունը դրա վկայությունն է: Հեղինակը մի կողմից երեկոն բնորոշում է որպես խաղաղ, անուշ, մյուս կողմից՝ տխուր: Ինչպե՞ս կարող է երեկոն ն՝ տխուր լինել, ն՝ անուշ: Բանն այն է, որ քնարական հերոսն իր սիրելիին է հիշել, կարոտում է նրան: Այդ հուշը տխրեցնում է նրան, հասկանալի դարձնում մենության պատճառը, բայցևայնպես նրա սիրտը լցնում է հավատարմության զգացումով, կյանքի վայրիվերումների ժամանակ թևաթափ չլինելու, իր այդ առաջին անմեղ սիրո վերհուշով ուժ ստանալու վստահությամբ. «Եվ տանջանք, ն՝ բեկում, ն՝ թախիծ. // Սև օրեր ես դեռ շանտ կըտեսնեմ. // Անունըդ թող փարոս լինի ինձ // Սուտ կյանքի և դառը մահու դեմ...»:

ՄԻՔԵ ՎԵՐՋԻՆ ՊՈՒՏՆ ԵՄ ԵՍ

Մի՞թե վերջին պոետն եմ ես,
Վերջին երգիչն իմ երկրի.
Մանն է արդյոք, թե նի՞նջը քեզ
Պատել, պայծառ Նաիրի:
Վտարանդի, երկրում աղոտ,
Լուսնդ, քեզ եմ երագում,
Եվ հնչում է, որպես աղոթք,
Արքայական քո լեզուն:
Հնչում է միշտ խոր ու պայծառ,
Եվ խոցում է ն՝ այրում.
Արդյոք բոցե վարդևրդ են վառ.
Թե՞ վերքերն իմ հրահրուն:
Ահով ահա կանչում եմ քեզ,
Ցուլ, ցնորք Նաիրի.-
Մի՞թե վերջին պոետն եմ ես,
Վերջին երգիչն իմ երկրի ...

ԱՍՓՈՓԻԳ ՀԱՐՑԵՐ

1. Երբ է գրվել «Միթե վերջին պոետն եմ ես» բանաստեղծությունը, և ինչ հոգեկան խռովք ու տագնապ է հնչեցնում բանաստեղծը:
2. Ինչ թեմայով է գրված բանաստեղծությունը:
3. Ո՞րն է բանաստեղծության գաղափարական բովանդակությունը:
4. Հեռուներում թախծող բանաստեղծը ինչո՞ւ է տագնապում հայրենիքի ճակատագրի ու նրա վաղվա օրվա համար:
5. Պայծառ Նաիրիի ո՞ր բնորոշ գծերն է երգում հեղինակը: Ինչո՞ւ:
6. Ինչ է սպասվում անհունորեն սիրելի Նաիրի երկրին:

ԱՈՍՁԱՐԴԱՆՔՆԵՐ ԵՎ ՎԱՐՇՈՒԹՅՈՒՆՆԵՐ

1. Տերյանը ինչո՞ւ է ողբացել հազարամյակների խորքից եկած, մոլորված, հուսահատ ու վիրավոր իր ժողովրդի անսփոփ վիշտը: Ասածդ հիմնավորի՞ր հեղինակային տողերով:
2. «Միթե վերջին պոետն եմ ես» հռետորական հարցը ինչո՞ւ է տագնապ հարուցում բանաստեղծի հոգում: Ինչո՞ւ է երկիր Նաիրին տրորվում օտարների կրնկի տակ: Զուգահեռներ անցկացրո՞ւ մեր օրերի հետ:
3. Մեկնաբանի՞ր հետևյալ քառատողը և ներկայացրո՞ւ դիրքորոշումդ:

Վտարանդի, երկրում աղոտ,
Լուսնդ, քեզ եմ երագում,
Եվ հնչում է, որպես աղոթք,
Արքայական քո լեզուն:

4. Ինչո՞ւ է «Մմին է արդյոք, թե նի՛նջը քեզ//Պատել, պայծառ Նաիրի» հարցն ուղղակի իմաստով հնչում, և դրամատիկ մենախոսություն-երկխոսությունն այլևս ողբախառն աղոթք է դառնում:
5. Բանաստեղծության հետևյալ տողերը ինչո՞ւ են հնչում որպես տագնապի ահագանգ. մեկնաբանի՞ր ու կարծիքդ արտահայտի՞ր դրա վերաբերյալ.

Ահով ահա կանչում եմ քեզ՝
Ցուլ, ցնորք Նաիրի, –
Միթե վերջին պոետն եմ ես,
Վերջին երգիչն իմ երկրի ...

6. Ո՞ւմ է դիմում բանաստեղծը: Ինչո՞ւ:
7. Ինչո՞ւ է ահով լցվել բանաստեղծության քնարական հերոսի հոգին:
Ասածդ հիմնավորիր:
8. Արժևորիր բանաստեղծության արտահայտած հույզը և համեմատիր քո զգացածի հետ:

– Գրականության (հատկապես պոեզիայի) մեջ կարևոր են նաև տարբեր զգացմունքային շեշտերը, որոնք ուժեղացնում են բովանդակության հուզականությունը: Խոսքին այդպիսի երանգ են տալիս, այսպես կոչված, հռետորական (ճարտասանական) դարձվածքները՝ հարց, բացականչություն, դիմում և այլն:

Հռետորական հարցը չպետք է շփոթել սովորական հարցական նախադասության հետ: Այստեղ հարցը տրվում է ոչ թե պատասխան ստանալու, այլ խոսքի հուզական լարվածությունը բարձրացնելու նպատակով: Հաճախ դա այնպիսի հարց է, որն իր մեջ պարունակում է նաև որոշակի պատասխան:

Հռետորական հարցի բնույթը, սակայն, շատ բազմազան է: Այն երբեմն ենթադրում է պատասխան, որն անմիջապես հետևում է հարցին: Երբեմն էլ երկի գաղափարն ինքնին արտահայտվում է իբրև որոշակի հարց, որի պատասխանը հեղինակը չգիտի, բայց ուզում է այն սրել, ընդգծել և այդ պատճառով էլ արտահայտում է հարցումով: Այս դեպքում իմաստը բուն հարցադրման մեջ է: Այսպիսի հարցադրումներ են Վահան Տերյանի «Մի՞թե վերջին պոետն եմ ես» բանաստեղծության մեջ:

Այս գրվածքն արտահայտում է բանաստեղծ – հայրդու, բանաստեղծ – քաղաքացու ցավն ու տագնապը մայր հայրենիքի վտանգաված ապագայի նկատմամբ: Հարազատ օրրանից հեռու, վտարանդի՝ նա կարոտում է իր մայրենին: Բանաստեղծը հեռվից հավանաբար վատ լուրեր է լսել և թերևս չի կարողանում իր որդիական ծառայությունը բերել իր ժողովրդին և ահա գրում է այս փոքրիկ բանաստեղծությունը՝ հռետորական հարց հնչեցնելով. «Մի՞թե վերջին պոետն եմ ես//Վերջին երգիչն իմ երկրի»: Նա, իհարկե, չի ուզում, որ այդպես լինի: Նրա սիրտն աղաղակում է. «Ահով ահա կանչում եմ քեզ//Ցուլա, ցնորք Նաիրի...»: